



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

15 ՆՈՅԵՄԲԵՐԻ
2022 թ.
№ 16 (1095)



Թերթի առաջին համարը լույս է տեսել 1965 թ. մարտի 11-ին
Երկշաբաթաբեր • Իրատարակման 57-րդ տարի

ԽԱՉԱՏՈՐ ԱՐԿԻՅԱՆԻ ԱՆՎԱՆ ՀԱՅԿԱԿԱՆ ԴԵՏԱԿԱՆ ՄԱՆԿԱՎԱՐԺԱԿԱՆ ՀԱՄԱԼՍԱՐԱՆԻ ԴԱՇՏՈՒԱԹԵՐԹ

Շնորհավոր հոբելյանդ, Մանկավարժական համալսարան

Մանկավարժական համալսարանը բոլորեց իր հիմնադրման 100 տարին: Փորձեք թերթել մեկ դարի պատմություն ունեցող բուհի տարեգրությունը և կհանդիպեք հարուստ ու հետաքրքիր էջերի:

Այլ. Սպենդիարյանի անվան օպերայի և բալետի ազգային ակադեմիական թատրոնում նոյեմբերի 6-ին տեղի ունեցավ բուհի հիմնադրման 100-ամյակին նվիրված հոբելյանական հանդիսությունը, ուր հին ու նոր սերնդի արվեստագետները միասին թերթեցին հարազատ բուհի պատմության էջերը, հիշեցին մանկավարժական կրթության երախտավորներին ու երևելիներին:

Միջոցառմանը մասնակցում էին ՀՀ վարչապետ Նիկոլ Փաշինյանը, ԿԳՄՍ նախարար Վահրամ Դումանյանը, Կառավարության անդամներ, հյուրեր արտերկրից, դիվանագիտական կառույցների ներկայացուցիչներ:

Լույս կրթության որակի ապահովման գործում բարեփոխումների անհրաժեշտությունը:

ՀՀ վարչապետ Նիկոլ Փաշինյանը շնորհավորեց բոլորին հոբելյանի առթիվ՝ ընդգծելով, որ «100-ամյակը մի կարևոր հանգրվան է՝ արձանագրելու, որ մանկավարժի մասնագիտությունը և մանկավարժական կրթությունն ունեն ռազմավարական նշանակություն, որովհետև մանկավարժական կրթությունը կրթություն է կրթություն տալու մեթոդների, ձևերի, և այսօր արդեն՝ նաև տեխնոլոգիաների մասին»:

Վարչապետն ընդգծեց, որ հոբելյանը նաև լավ առիթ է՝ ամփոփելու աշխատանքը և պլանավորելու ապագան՝ միաժամանակ հավաստելով, որ մանկավարժական կրթության ապագային միտված կառավարության քայլերը առաջիկայում այդ ապագան կդարձնեն իրականություն:

բարեփոխումներ: Դրանց լուծումն անհնար կլինի առանց պրոֆեսիոնալ ուսուցչի, հետևաբար, մանկավարժական կրթության հետագա զարգացումը և ունի անկյունաքարային նշանակություն:

Հանրապետության ապագան և անվտանգությունը պետք է կերտվի մանկավարժական կրթության ոլորտում, Մանկավարժական համալսարանում: Ես հույս ունեմ, որ բոլորդ կաջակցեք այդ ապագային միտված մեր բարեփոխումներին», - ասաց վարչապետը:

Նա շնորհակալություն հայտնեց մանկավարժության նվիրյալներին՝ կատարած աշխատանքի համար, նաև հաջողություն մաղթեց կատարվելիք աշխատանքում:

ՀՀ վարչապետը պարգևներ հանձնեց համալսարանի մի խումբ նվիրյալներին. գիտության և կրթության ոլորտի զարգացման գործում ներդրած ավանդի համար



ՀՊՄՀ ղեկավար Սրբուհի Գևորգյանը շնորհավորեց բոլորին հոբելյանի առթիվ, արժևորեց բարձրագույն կրթության տարեգրությունը կերտած երախտավորների գործը, նաև ընդգծեց ուսուցչի պատվավոր առաքելությունը՝ իրականացնող շրջանավարտների տարբեր սերունդների ներդրումը: Նա հպարտությամբ նշեց, որ առաջնորդում է գիտական, կրթական և մշակութային մեծ ներուժ, և որ «մեր ժողովրդի ընդհանուր պատմության մեջ բուհի կենսագրությունը մի մասունք է, որտեղ ամփոփված է մեծ մտավորականների տարբեր սերունդների գիտական մտքի արգասիքը, մանկավարժ-գիտնականների տարիների անմնացորդ նվիրումն ու դեպի բարձրորակ կրթություն՝ անխափան ընթացքը»:

Սրբուհի Գևորգյանը խոսեց ուսուցչի ազգապահպան առաքելության և պետության անվտանգության երաշխավորի պատասխանատվության մասին, որով պայմանավորված է առողջ ու բանիմաց հասարակություն ունենալը: Մեկ դար շարունակ Մանկավարժական համալսարանը հավատարիմ այդ սկզբունքներին՝ զարգացման ու առաջընթացի ուղի է անցել:

ԿԳՄՍ նախարար Վահրամ Դումանյանը շնորհավորեց բուհի հոբելյանը՝ փաստելով, որ Մանկավարժական համալսարանը հավատարիմ է մնացել իր ակունքներին, այն է՝ իրականացնել մանկավարժական գործունեություն, պատրաստել մանկավարժական կադրեր:

Նախարարը կարևորեց մանկավարժական կրթության դերը՝ ընդգծե-

վարչապետն ասաց, որ Մանկավարժական կրթությունն ունի անկյունաքարային նշանակություն, և որ պետական մակարդակով կարևորվում է ուսուցչի աշխատանքը:

«Ինչպես բուհի ստեղծման օրերին, այնպես էլ այսօր կրթության ապահովումը ազգային անվտանգության խնդիր է: Մենք կանգնած ենք այդ խնդիրը լուծելու անխուսափելիության առաջ, և դա է պատճառը, որ հանրակրթության ոլորտում ձեռնարկվում են մասշտաբային

ՀՊՄՀ Հայոց լեզվի և նրա դասավանդման մեթոդիկայի ամբիոնի պրոֆեսոր Լալիկ Խաչատրյանն արժանացավ «Մովսես Խորենացի» մեդալի, մատաղ սերնդի ուսուցման և դաստիարակության գործում վաստակի համար ՀՊՄՀ Ուսումնագիտական հարցերով պրոռեկտոր Նաիրա Սաֆարյանին շնորհվեց ՀՀ վաստակավոր մանկավարժի պատվավոր կոչում:

Գիտության և կրթության զարգացման գործում ներդրած ավանդի համար ՀՀ վարչապետի հուշամեդալով պարգևատրվեցին Հայ հին և միջնադարյան գրականության և նրա դասավանդման մեթոդիկայի ամբիոնի վարիչ, պրոֆեսոր Ալիսա Դուլվանյանը, Կենսաբանության, քիմիայի, աշխարհագրության և նրանց դասավանդման մեթոդիկայի ամբիոնի պրոֆեսոր Մեծլուս Երիցյանը:

Երկարամյա անբասիր աշխատանքի համար ՀՀ վարչապետի շնորհակալագրով պարգևատրվեցին Հայոց պատմության ամբիոնի վարիչ, պրոֆեսոր Աշոտ Փիլիպոսյանը, Մաթեմատիկայի և նրա դասավանդման մեթոդիկայի ամբիոնի պրոֆեսոր Ալեքսանդր Դուլջյանը:

Համալսարանի 100-ամյակին նվիրված հանդիսությունն ամբողջական դարձավ Այլ. Սպենդիարյանի անվան օպերայի և բալետի ազգային ակադեմիական թատրոնի սիմֆոնիկ նվագախումբի և երգչախմբի, «Բերդ» պարային անսամբլի, համալսարանի Պարարվեստի մանկավարժության բաժնի ուսանողների, Երգի պետական թատրոնի, Մնջախաղի թատրոնի և Կանո Սեյրանյանի կատարումներով:





Հոբելյանական միջոցառումների շարունակական ընթացքը



Սոյեմբերի 7-ը Մանկավարժական համալսարանի հիմնադրման օրն է: Մանկավարժական համալսարանի 100-ամյակի հոբելյանական միջոցառումների շարունակական ընթացքը լիազոր մարմնի ներկայացուցիչներին, հյուրերին, դասախոսներին և ուսանողներին այս անգամ միավորել էր Կուլտուրայի ֆակուլտետի հարկի ներքո:

Փոխնախարարներ ժամնա Անդրեաս-

յանը և Կարեն Թռչունյանը ԿԳՄ Ոսկե մեդալներ և պատվոգրեր հանձնեցին համալսարանի մի խումբ դասախոսների՝ մարդկանց, որոնք տարիների աշխատանքով իրենց սաների մեջ սերմանել են ուսուցչի որակներ և այն համոզմունքը, որ ուսուցիչ լինելը յուրահատուկ հպարտանք է:

ԿԳՄ նախարարի տեղակալ ժամնա Անդրեասյանը նախարարության Ոսկե մե-

դալ հանձնեց Օտար լեզուների ֆակուլտետի դեկան Տիգրան Միքայելյանին, Աշխատակազմի և միջազգային հարցերով պրոռեկտոր Մարիաննա Հարությունյանին, Կրթության հոգեբանության և սոցիոլոգիայի ֆակուլտետի դեկան Ռուզաննա Պետրոսյանին, Ռոմանագերմանական լեզուների և դրանց դասավանդման մեթոդիկայի ամբիոնի պրոֆեսոր Կարեն Հայրյանին, Վաչե Պարտիզունու անվան հայ նոր և նորագույն գրականության և նրա դասավանդման մեթոդիկայի ամբիոնի վարիչ Սուրեն Դանիելյանին, Արտասահմանյան գրականության ամբիոնի վարիչ Ռուզան Թադևոսյանին, Գեղարվեստական կրթության ֆակուլտետի դեկան Արա Հակոբյանին, Կերպարվեստի ամբիոնի պրոֆեսոր Լենա Ներսիսյանին, Բանասիրական ֆակուլտետի դեկան, պրոֆեսոր Աշոտ Գալստյանին:

ԿԳՄ նախարարի տեղակալ Կարեն Թռչունյանը նախարարության պատվոգրեր հանձնեց պրոֆեսորներ Ռեբեկա Ջիջյանին, Իգոր Կարապետյանին, Շողիկ Ոսկանյանին, Արամ Քոսյանին, Անուշ Եղիազարյանին, պրոֆեսորի պաշտոնակատարներ Սուսաննա Փիլոսյանին, Վարուժան Հովհաննիսյանին, Անահիտ Լալաբեգյանին, ղոցենու Լուսինե Պողոսյանին, բանասիրական գիտությունների թեկնածու Լիլիթ Տեր-Գրիգորյանին:

Փոխնախարար և ՀՊՄՀ Հոգաբար-

ժուների խորհրդի նախագահ ժամնա Անդրեասյանը չկարողացավ թաքցնել իր հիացմունքը Մանկավարժական համալսարանի նախորդ օրվա հոբելյանական գալա միջոցառման կազմակերպման առթիվ՝ փաստելով, որ Մանկավարժական այսուհետ սահմանեց նոր մշածող: Նա միաժամանակ ընդգծեց՝ Մանկավարժականում աշխատելը կամ նրա հետ առնչվելը պատիվ է յուրաքանչյուրի համար:

ՀՊՄՀ նեկտոր Սրբուհի Գևորգյանը շնորհավորեց նախկին ու ներկա արվեստագետներին՝ մի անթաքույց հպարտությամբ, որ իրեն է բախտ վիճակվել հոբելյանական տարում դեկավարել մանկավարժական բարձրագույն կրթօջախը, որն ունի մեծ, հսկայական ներուժ: «Մանկավարժական համալսարանը հատուկ հենք է, հատուկ գունապնակ, ուր յուրաքանչյուր ժամանակ իր դիմագիծն ունի», -ասաց նեկտորը:

Դիմելով արվեստագետներին՝ նա ասաց. «Դուք արժանի եք ամենաբարձր պարգևների, որովհետև դուք վաղվա կերտողներն եք, ապագայի ճարտարապետները»:

Միջոցառմանը գեղարվեստական շունչ ու հմայք պարգևեցին Հայաստանի վաստակավոր կուլտուրի «Բերդ» պարային համույթի կատարումները (գեղարվեստական դեկավար՝ ՀՀ արվեստի վաստակավոր գործիչ Կարեն Գևորգյան):

«Հայաստանը կարծես Եկեղայոս Ադոնցն է...»



ՀՀ ԳԱԱ Մ. Արեղյանի անվան Գրականության ինստիտուտում տեղի ունեցավ ՀՀ ԳԱԱ թղթակից անդամ, ՀՊՄՀ Հայ հին և միջնադարյան գրականության և նրա դասավանդման մեթոդիկայի ամբիոնի վարիչ, ք.գ.դ., պրոֆեսոր Ալիսա Դուլխանյանի «Նիկողայոս Ադոնց» գրքի շնորհանդեսը նվիրված էս. Արվյանի անվան հայկական պետական մանկավարժական համալսարանի 100-ամյակին:

Շնորհանդեսը բացեց ՀՀ ԳԱԱ Մ. Արեղյանի անվան Գրականության ինստիտուտի տնօրեն, ք.գ.դ. Վարդան Դևրիկյանը, որն ընդգծեց գրքի կրթադաստիարակչական բնույթը՝ նշելով, որ հեղինակը ներկայացրել է գիտնականի ձևավորման ընթացքը՝ ծննդավայրից մինչև Գևորգյան ծեմարան, ապա ռուսական ակադեմիական ու եվրոպական կրթական կենտրոններ:

«Շատ դժվար է գրել Ադոնցի մասին թե՛ նրա հատորների տարողության, թե՛ թեմատիկ ընդգրկման պատճառով, բայց պրոֆեսոր Ալիսա Դուլխանյանին դա լավագույնս հաջողվել է», -ասաց Վ. Դևրիկյանը:

Հանգամանորեն խոսելով գրքի մասին Վարդան Դևրիկյանը ներկայացրեց Ալիսա Դուլխանյանին որպես գրականագետի, արժևորեց գիտնականավարժական վաստակը՝ համարելով նրան Գրականության ինստիտուտի առաջնային դեմքերից մեկը, ապա ՀՀ ԳԱԱ Մ. Արեղյանի անվան ինստիտուտի տնօրինության որոշմամբ Ալիսա Դուլխանյանին պարգևատրեց «Մանուկ Արեղյան» հուշամեդալով՝ հայ գրականության և, ի մասնավորի, հայ միջնադարյան գրականության համընդգրկուն ուսումնասիրության ու եվրոպական հայագի-

տության նշանավոր դեմքերի գիտական ժառանգության և գործունեության համակողմանի ուսումնասիրության համար:

«Ալիսա Դուլխանյանը ներկայացրել է ինչպես է Ադոնցը դարձել խոշոր գիտնական լայն պրոֆիլի պատմաբան, բանասեր, բյուզանդագետ, ինչ կնճռոտ խնդիրների է անդրադարձել: Հեղինակը գրել է ոչ միայն աշխարհահռչակ գիտնականի կենսագրության, անցած ճանապարհի, այլև ձեռք բերած գիտական նվաճումների մասին, ինչը չափազանց արժեքավոր է դարձրել գիրքը», -ասաց ՀՀ ԳԱԱ Հայագիտության և հասարակական գիտությունների բաժանմունքի ակադեմիկոս-քարտուղար Յուրի Սուվարյանը:

Յու. Սուվարյանը շնորհավորեց Ա. Դուլխանյանին վերջին երկու՝ Սորոս Հասարակության և Նիկողայոս Ադոնցի նվիրված հրապարակումների առթիվ՝ ակնկալելով

համար, խոսեց մագիստրոսական և դոկտորական հետազոտությունների մասին, որոնցում ներկայացվել են ժամանակի կարևորագույն խնդիրները:

«Խոսելով գլոբալիստական միտումների մասին՝ մենք, այնուամենայնիվ, շեշտադրում ենք հայ ինքնության պահպանման խնդիրը, -հավելեց նեկտորը: Կարծում եմ Ն. Ադոնցի ժառանգությունը՝ համագործակցությամբ իր դեկավարի՝ Ն. Մառի, պատմական այն ժամանակաշրջանի կարևոր ձեռքբերումն է, որ կարող է Մանկավարժական համալսարանի այսօրվա ուսանողի համար յուրահատուկ գոհար դառնալ հենց արդի շրջանի կրթության զարգացման առումով:

Իր ժամանակի մեջ նրա հողվածները մեծագույն ներդրումներ էին, որոնց մասին մենք քիչ ենք խոսում, բայց պարտավոր ենք մեր մեծերին մշտապես անդրադառնալ



գիտնականից նոր գրքեր: ՀՊՄՀ նեկտոր, Կ.գ.դ., պրոֆեսոր Սրբուհի Գևորգյանը 100-ամյա բուհի ողջ համակազմի անունից շնորհակալություն հայտնեց միջոցառման մասնակիցներին և շնորհակալություն հայտնեց Ալիսա Դուլխանյանին՝ հերթական գրքի հրատարակման առթիվ: Ռեկտորը կարևորեց համալսարանի համար որպես առաջնահերթություն գրքի կրթադաստիարակչական արժեքը, ապա անդրադարձավ բյուզանդագետ, պատմաբան, մանկավարժ, փայլուն կրթություն ստացած Ադոնցի կրթական զարգացումներին՝ ընդգծելով՝ նա կրել է ժամանակի լավագույն կրթական ազդեցությունը:

Ռեկտորը մասնավորապես կարևորեց հանրահռչակ գիտնականի գործի պատմագիտական նշանակությունը հայ ժողովրդի

մեր լսարաններում: Շնորհակալություն տիկին Դուլխանյանին, որի աշխատանքի նշանակությունն ինձ համար հենց այդ առաջնահերթությամբ է պայմանավորված, որովհետև մանկավարժությունը սոսկ տեսություն չէ, դասավանդման մեթոդիկան է, կոնկրետ օրինակների, պատմության, ավանդույթների փոխանցման որոշակի գործընթաց է»:

Ռեկտորը հղում արեց Մուշեղ Իշխանի հուշերին. «Հայաստանը կարծես Նիկողայոս Ադոնցն է, նրա լավագույն հատկանիշների մարմնավորումը, նրա մարդկային պատկերը, նա հայ տղամարդ էր՝ բառի ավանդույթներ, արդիական և ազնվական իմաստով...»՝ ընդգծելով՝ թող բոլոր այս իմաստները այդ ժառանգության ներքո ուսանողների սերտման համար դասագրքային մյուս լինեն:

ՀՀ ԳԱԱ Պատմության ինստիտուտի տնօրեն, ակադեմիկոս Աշոտ Մելքոնյանի կարծիքով՝ «համարձակություն է պետք՝ գնալու դեպի Ադոնցը»:

«Երիտասարդության տարիներին դժվար է ուսումնասիրել Ն. Ադոնցի ժառանգությունը, երբ տեսա, որ գիրքը ձեռնարկի տեսքով է գրված, նոր հասկացա, որ հեղինակը ոչ ուրիշ է դարձրել երիտասարդության համար՝ հասկանալու գիտնականի ապրած ժամանակը», -ասաց ակադեմիկոսը:

Ա. Մելքոնյանը խոսեց հեղինակի՝ պատմական ժամանակաշրջանը հետաքրքիր ուժով ներկայացնելու մասին, որպեսզի ընթերցողը պատկերացնի միջավայրը, անդրադարձավ այն պատմական կերպարներին, որոնց մասին գրել է Ադոնցը: «Ադոնցի գործունեության մասին խոսելիս պետք է անպայման հիշել Ադոնցը ստացել է դասական կրթություն եվրոպական քաղաքներում, չփվել 19-րդ դարի կեսերի հնդեվրոպականների հետ, ինչպես տասնյակից ավելի լեզուներ, ստեղծագործել երեք լեզվով, զբաղվել հայկական հարցով...»:

Բանախոսն ամփոփեց՝ Ն. Ադոնցի մեծությունը հասկանալու այնքան էլ հեշտ չէ, բայց այս գրքի օգնությամբ կարող ենք:

Ելույթ ունեցան Բանասիրական ֆակուլտետի դեկան, ք.գ.դ., պրոֆեսոր Աշոտ Գալստյանը, Հայկական հանրագիտարանի խմբագիր, ք.գ.դ. Հովհաննես Այվազյանը, Ալբերտ Մուշեղյանը, Սուսաննա Հովհաննիսյանը, որոնք անդրադարձան Ալիսա Դուլխանյանի գիտական լուրջ ուսումնասիրությանը, արժևորեցին այն մեթոդային իրադարձությունների համատեքստում և գնահատեցին Ալիսա Դուլխանյանին, որը «մշտապես արժևորում է արժեքավորը»:

Պրոֆեսոր Դուլխանյանն ընդգծեց, որ շնորհանդեսը նվիրված էր Նիկողայոս Ադոնցին և իր նպատակն էր մեծարել միջազգային համբավ ունեցող բյուզանդագետին, հայագետին, պատմաբանին, բանասերին, մանկավարժին՝ նրա կյանքը, կրթությունը, գիտական ժառանգությունը օրինակ դարձնելու նոր սերնդի համար:

Գրքի շնորհանդեսը հաճելիորեն սպասված էր, ակադեմիական միջավայրում կին գիտնականի բեղուն աշխատանքի գնահատանքը՝ օրվա պահանջ:

Ներկաները շնորհավորեցին Ալիսա Դուլխանյանին նաև զինձնոնով՝ գիտնականին մաղթելով նոր գրքեր ու հրապարակումներ:



Հոգեբանների միասնական աշխատանքը մեկ հարթակում

Կրթության հոգեբանության և սոցիոլոգիայի ֆակուլտետը Մանկավարժական համալսարանում կազմակերպել էր «Պատերազմի սոցիալ-հոգեբանական հետևանքները» խորագրով երկօրյա միջազգային գիտաժողովն անցկացրեցին: Գիտաժողովի նպատակն էր 100-ամյակին:

Սկսած Մազմանյանի անվան հոգեբանության ամբիոնի նախաձեռնությամբ անցկացվող գիտաժողովի գաղափարը ծնվել էր դեռևս 2020 թվականի պատերազմի օրերին, երբ Մանկավարժական համալսարանի հոգեբանները աշխատում էին հոգեկան տրավմա ստացած զինվորների և նրանց ընտանիքների անդամների հետ: Հոգեբանության ամբիոնի վարիչ Լևոն Սարգսյանը ցավով նկատեց, որ գիտաժողովի խորագիրը խիստ արդիական է և շարունակում է մնալ այդպիսին, նաև ընդգծեց որպես ձեռքբերում 2019 թվականին ստեղծված «Հոգեբանական հիմնախնդիրներ» պարբերականը:

Գիտաժողովում աշխարհագրական ընդգրկում ունեին մասնակցում էին ոչ միայն Հայաստանի և Արցախի տարբեր բուհերի և կենտրոնների հոգեբաններ, այլև ուլորտի մասնագետներ Ռուսաստանի Դաշնությունից, Ուկրաինայից, Բելառուսից, Դրոզդաստանից:

Համալսարանի ղեկավար, հոգեբանական գիտությունների դոկտոր, պրոֆեսոր Սրբուհի Գևորգյանը կարևորեց գիտապրակտիկ գիտաժողովի նախաձեռնումը և շնորհակալություն հայտնեց



Ֆակուլտետի դեկան Ռուզաննա Պետրոսյանն ընդգծեց, որ բուհի 100-ամյակը նշվում է սոցիալ-հոգեբանական բարդ մարտահրավերների պայմաններում՝ փաստելով քննարկվող թեմայի արդիականությունն ու ուլորտի մասնագետների աշխատանքի կարևորությունը: Դեկանն իրավացիորեն նշեց՝ սա հարթակ է՝ որոշումներ կայացնելու, լուծումներ գտնելու, որոնք կծառայեն բանակին:

Դեկանը խոսեց բնակչության հոգեբանական աջակցության և անվտանգության ապահովման կարևորության

մակերպվելու, -ասաց Հ. Ավանեսյանը՝ ընդգծելով, որ պրակտիկական և գիտությունը պետք է միասին լինեն, և պրակտիկական պետք է հենվի գիտության վրա»:

Երևանի պետական բժշկական համալսարանի դոցենտ Վլադիմիր Գասպարյանը խոսեց հոգեբանական ծառայության, կազմակերպման և գործառնության մասին: Նա ներկայացրեց 103 մասնագետների, որոնք աշխատում էին 26 կենտրոններում «Ինտրա» կազմակերպության հետ համատեղ: Ձեկուցողն անդրադարձավ այն ահռելի աշխատանքին, որն իրականացվեց տրավմա ստացած զինվորների ու սպաների հետ Դիլիջանում: Հատուկ թեստերի միջոցով նա ներկայացրեց տրավմային և հետտրավմային իրավիճակներում գտնվող մարդկանց հետ աշխատանքի վիճակագրությունը՝ հիմնական ախտանշաններով. քննելու հետ կապված և հիշողությունների ակամա ներխուժումներ, հիշողություններ, որ ուղեկցվում էին ֆիզիոլոգիական դրսևորումներով ու բացասական հույզերով, ուշադրության կենտրոնացման և այլ խնդիրներ, որոնց ուղղությամբ էին համատեղվել հոգեբանների ու նյարդաբանների ջանքերը:

Պրոֆեսոր Գասպարյանը հետտրավմային աճի մասին տեղեկատվությունն ամփոփեց օրինակներով՝ ընդգծելով՝ հետտրավմային աճի ուսումնասիրությունը պետք է լինի համազգային ստրատեգիա, ռազմավարություն:

«Կյանքի արժևորման փոփոխությունը բերում է հոգևոր աճի: Պետք է նոր սերնդի տոկոսությունը զարգացնել, որպեսզի թույլ չտանք թշնամին մեզ հոգեպես կտորի», - ասաց զեկուցողը՝ շեշտադրելով բոլոր հոգեբանների միասնական աշխատանքն այդ ուղղությամբ: ՀԳՄՍ աշխատակազմի և միջազգային աշխատանքի գծով պրոնեկտոր, ԼՂ-գոպեդիայի և վերականգնողական թերապիայի ամբիոնի դոցենտ Մարիաննա Հարությունյանը հանդես եկավ «Էրգոթերապիայի միջամտության մեկնաբանումը վիրավոր զինվորների հետ աշխատանքում» զեկուցումով: Նա ներկայացրեց 8 էրգոթերապիայի մասնագետներ 6 ամիս շարունակ նպատակաուղղված աշխատանք են իրականացրել պատերազմի 150 մասնակիցների հետ, օգնել նրանց՝ հասնելու ինքնուրույնության:

Արցախյան երկրորդ պատերազմի վիրավոր զինվորների հետ տարվող աշխատանքի մասին թեմայի արդիականության մասին պայմանավորված գրվել են նաև մագիստրոսական թեզեր:

Ձեկուցողը խոսեց պատերազմի վիրավորներին ցուցաբերված էրգոթերապիայի աջակցության և միջամտության առանձնահատկությունների մասին՝ ներկայացնելով հիմնականում ձեռքի վերականգնողական ֆունկցիայի վերականգնման աշխատանքի արդյունքները: Նա ընդգծեց հիվանդանոցներում և

վերականգնողական կենտրոններում էրգոթերապիայի մասնագետների աշխատանքի կարևորությունը, ցավով նկատելով, որ այդ մասնագիտության մասին իրազեկելու խնդիր ունենք:

Մոսկվայի Յուրևա Մալախովա գիտությունների պետական ակադեմիական համալսարանի դասախոս Նատալյա Ռիբալչենկոն խոսեց պատերազմի միջով անցած մարդկանց՝ պատերազմի վետերանների մասին՝ կարևորելով նրանց հետ աշխատանքը, որովհետև «տարիքի հետ հետպատերազմյան զգացողությունները կարող են ավելանալ»:

Ն. Ռիբալչենկոյի ամուսինը մասնակցել է Աֆղանստանի պատերազմին: Նրա դիտարկումները նաև բխում էին վերոհիշյալից: Տարբեր խմբերի հետ ուսումնասիրության հետազոտական աշխատանքի արդյունքում նա եկել է եզրակացության, որ պատերազմի վետերանները հոգեբանական բարելավման խնդիր ունեն, ինչը պայմանավորված է նրանց կենսակայունությամբ:

Արցախի պետական մանկավարժական համալսարանի պրոնեկտոր, հ.գ.թ., դոցենտ Վ. Յարամիշյանի զեկուցումը վերաբերում էր 44-օրյա պատերազմի մասնակիցների մոտ հետվնասվածքային սթրեսի հաղթահարման խնդիրներին:

Ձեկուցողն ընդգծեց, որ այսօր ոչ միայն Արցախը, այլև Հայաստանը հայտնվել են գոյաբանական սպառնալիքների առջև, ներկայացրեց պատերազմի և հետպատերազմյան ընթացքում պատերազմի մասնակիցներին հոգեբանների կողմից ցուցաբերված օգնությունը, ներկայացրեց դիտարկումներ, պնդումներ, եզրակացություններ՝ բնութագրելով 44-օրյա պատերազմը որպես 5-րդ սերնդի պատերազմ:

Հատկապես անդրադարձ արեց նոր պատերազմի բնութագրիչներին՝ գերձգրիտ զինատեսակներ, մարտավարության նոր մեթոդներ, ահաբեկիչներ, տեղեկատվական և հոգեբանական ներազդման միջոցներ: Վ. Յարամիշյանը թվերի ու փաստերի միջոցով ներկայացրեց պատերազմի հետևանքները՝ Արցախի տարածքի 75 տոկոսի կորուստ, մարդկային անթիվ գոհեր, նաև ներկայացրեց թիկունքում ու առաջնագիծը՝ չնոռանալով խոսել կեղծ լուրերի, խուճապի առաջացման և դասալքության դեպքերի մասին:

Արցախի պետական մանկավարժական համալսարանը 26 զուգի է տվել, բազմաթիվ հաշմանդամներ ու անհետ կորածներ: Պատմական ակնարկով և տոկոսային հարաբերությամբ ներկայացնելով տարբեր երկրներում մարդկանց հետպատերազմական սթրեսը՝ նա ընդգծեց, որ միայն Արցախի պատերազմի հետևանքով է, որ սթրեսը է ենթարկվել զրեթե ողջ բնակչությունը:

Խոսելով պատերազմի հետևանքով հետվնասվածքային խանգարումների մասին՝ նա շեշտեց՝ դրանք խնդիր են, ոչ թե դատավճիռ, և կարևորեց բազմամասնագիտական խմբի աշխատանքը:

Ամփոփելով իր խոսքը՝ նա ասաց, որ 44-օրյա պատերազմը կանգնեցրել է բազմակամի դժվար գոյաբանական ճգնաժամի առաջ, և Արցախը միայնակ չի կարող հաղթահարել այն: Բանախոսը հորդորեց՝ կանգնել Արցախի կողքին՝ աջակցել հաղթահարելու խնդիրները:

Պլենար նիստում զեկուցումով հանդես եկավ նաև ՀԳՄՍ պրոֆեսոր Մելս Մկրտումյանը: Պրոֆեսորի զեկուցման թեման վերաբերում էր պատերազմի մասնակից զինվորականներին ցուցաբերվող հոգեբանական օգնության կազմակերպման սոցիալ-հոգեբանական առանձնահատկություններին:

Գիտաժողովի երկրորդ օրը հազեցած էր առցանց զեկուցումներով:



պատերազմի օրերին ու հետպատերազմական ժամանակահատվածում լայնածավալ աշխատանք կատարած բոլոր հոգեբաններին ու հոգեբանական կենտրոնների ներկայացուցիչներին: Նա հիշեց տրավմաների ենթարկված զինվորների, հաշմանդամների և նրանց ընտանիքների անդամների հետ բժշկական բոլոր կենտրոնների կատարած վերականգնողական աշխատանքները՝ նշելով, որ այսօր էլ հոգեբանական լուրջ հիմնավորումներ են պետք բանակի ոչ զին բարձրացնելու համար, որովհետև «Արցախը մեզ համար այն հիմնախնդիրն է, որի հանդեպ մեր ամենօրյա հոգածությունն է պետք»:

«Մենք լայնածավալ սթրեսագետ գոտի ենք: Պատերազմը որպես երևույթ քիչ է ուսումնասիրված. այն ավելի շատ հոգեբանական և սոցիալ-հոգեբանական խնդիր է», - ասաց ռեկտորը՝ ընդգծելով գիտաժողովի նպատակը՝ վերլուծել, կիսել գիտապրակտիկ մոտեցումները:

Ռեկտոր Սրբուհի Գևորգյանը ներկայանրին մաղթեց տարակարծությունների լայն զուսպման՝ հոգեբանական դաշտում գտնվող յուրաքանչյուրին մաղթելով որակական քննարկումներ ու նոր մոտեցումներ:

մասին՝ հիշելով, որ համավարակի օրերին անգամ ֆակուլտետի պրոֆեսորադասախոսական կազմն անհրաժեշտ աջակցություն էր ցուցաբերում պատերազմի հետևանքով հոգեկան տրավմա ստացած մարդկանց:

ԵՊՀ պրոֆեսոր Հրանտ Ավանեսյանն ու ԵՊՀ դոցենտ Վլադիմիր Գասպարյանը ներկայացրին «Հոգեբանական ծառայության կազմակերպման և գործառնության յուրահատկությունները 44-օրյա պատերազմի ընթացքում և դրանից հետո»:

ԵՊՀ հոգեբանության ամբիոնի վարիչ Հրանտ Ավանեսյանը խոսեց պատերազմի օրերին հոգեբանների ցուցաբերած միասնական ջանքերի ու ներդրման, նրանց արագ կազմակերպվելու, մարդկանց և հասարակության կողքին լինելու մասին՝ փաստելով, որ հոգեբանների առաքելությունն է մնալ պահերին լինել մարդու և հասարակության կողքին: Ձեկուցողը ներկայացրեց, որ իրավիճակի պարտադրմամբ ներառվեցին շուրջ երեք տասնամյակի փորձ ունեցող մասնագետներ և 2500 շահառուների հետ աշխատանքը կազմակերպվեց ստեղծված ձևաչափով:

«Մեր ուղրտում կարիք ունենք կազ-



ԲԵՒԼԱ ՄԱՐԿՈՎԼԱ. ԽՈՒՈՆ ՈՒ ԽԻՉԱԽ ԿԱՏԱՎՈՐԱԿԱՆՆԵՐ

«Ռուսաց լեզուն՝ 21-րդ դարի մշակութային երկխոսության, գիտական համագործակցության, միջազգային և միջամենային հաղորդակցության երաշխավոր»։ Ակադեմիկոս, մանկավարժական գիտությունների դոկտոր, պրոֆեսոր Բեյլա Մարկի Եսաջանյանի այս տողերն անչափ խոսուն են, նաև բնորոշում են հենց իրեն, իր մտածողության և աշխարհայացքի մեծությունը։

Մեծ մանկավարժի սերունդներին թողած գիտական ժառանգությունն ու գործունեությունը ռուսաց լեզվի ջատագովներին, Հայաստանում ՌԴ դեսպանատան, «Ռուսատրուդնիչեստվո»-ի ներկայացուցիչներին, ռուսաց լեզվի և գրականության դասավանդողներին, ուսուցիչներին, ասպիրանտներին և մագիստրոսներին, տարբեր տարիների շրջանավարտներին հավաքել էր Խաչատուր Աբովյանի անվան հայկական պետական մանկավարժական համալսարանի հարկի ներքո։ Առիթը գիտնական - մանկավարժի ծննդյան 90-ամյակն էր, որ համատեղվել էր համալսարանի 100-ամյակի հետ։

Գիտապրակտիկ կոնֆերանսը վարում էր Հայաստանում ռուսաց լեզվի ուսուցիչների ասոցիացիայի նախագահ Լիլյա Բալասանյանը։

«Գիտաժողովը կոչված է միավորելու սերունդների համար ռուսական խոսքի հարստությունը բացահայտող բոլոր մասնագետներին», - գիտաժողովի անցկացման առթիվ իր ուղերձում ընդգծել էր ՀՀ-ում ՌԴ արտակարգ և լիազոր դեսպան Սերգեյ Կոպիրկինը։

Գիտաժողովի մասնակիցներին ողջունեց ՀՀԿԿ ռեկտոր Սրբուհի Գևորգյանը։ «Զարմանալի կիր, տաղանդավոր մանկավարժ, որի յուրաքանչյուր միտք թևավոր խոսքի իմաստ ուներ, առանձնահատուկ հունորն ու մտավորականի կեցվածքն էլ մի առանձին հմայք էին հաղորդում նրա կերպարին», - ասաց պրոֆեսոր Սրբուհի Գևորգյանը՝ անդրադառնալով մանկավարժ գիտնական գործունեությանն ու Հայաստանում ռուսաց լեզվի դասավանդման տեսությանն ու մեթոդիկային նվիրված նրա աշխատանքներին։

ՀՀ-ում «Ռուսատրուդնիչեստվո»-ի ղեկավար Վադիմ Ֆեֆիլովն իր ուղերձում



կարևորել էր ՌԴ մանկավարժական և սոցիալական գիտությունների ակադեմիայի ակադեմիկոսի 90-ամյակին նվիրված գիտաժողովը՝ արժևորելով գիտնական մանկավարժի մեծ ժառանգությունն ու ներդրումը երիտասարդ սերունդներին երկրի հարուստ մշակութային ժառանգությանը ծանոթացնելու գործում.. «Ռուսաց լեզուն կգա այն ժամանակ, երբ մանկավարժությունը կբարգավաճի։ Ընդհակառակ էնք, որ նա այդ ուղեգրը մոտեցրեց մեզ»։

Ելույթ ունեցողներ խոսեցին Բեյլա Եսաջանյանի Հայաստանում ռուսաց լեզվի ուսուցման, երկլեզվյան ուսուցման գործում ունեցած մեծ ներդրման, ստեղծած դասագրքերի, մեթոդաբանության, տեսության և պրակտիկայի մշակման ու մարդկային որակների մասին։

Հիբրիդային ձևաչափով անցկացվող գիտաժողովը ողջունեցին և աջակցեցին ձևաչափով գիտնականի մասին իրենց հուշերը ներկայացրին պրոֆեսոր Լեոնիդ Մուսկովիկինը Սանկտ Պետերբուրգից, դոցենտ Մարգարիտա Բերսեևան Մոսկվայի միջազգային ինստիտուտից։

Բեյլա Եսաջանյանի հետ համագործակցության տարիների մասին պատմեց Սերգեյ Հովհաննիսյանը, ով ընդգծեց Բեյլա Մարկովնայի ունեցած անզնախառն լի դերը ոլորտում, և մասնավորապես նրա լեզվաբանական բարձր պատրաստվածությունը, առանց որի հնարավոր չէր դասավանդման մեթոդներ կիրառել։

Մանկավարժական համալսարանի Ուսումնագիտական աշխատանքների գծով պրոռեկտոր Մարիամ Իսպիրյանը ելել է անվանի գիտնականի 50-րդ ասպիրանտը։ Նա գիտական ղեկավարին բնութագրեց խելացի, խոհուն, խիզախ մտավորական, անսահման բարության տեր կին, ով գործի պրոֆեսիոնալ էր նաև դասագրքերի ու ամսագրի ստեղծման գործում, ճանաչված Հայաստանում ու նրա սահմաններից դուրս, գիտնական, որի մասին դեռ երկար կխոսեն։

«Նա շատ բարձր էր գնահատում հայ դպրոցը, ամեն ինչ անում էր հայ դպրոցում ռուսաց լեզուն զարգացնելու համար, - ասաց մանկավարժական գիտությունների դոկտոր, պրոֆեսոր Արդա Թոփուզյանը։ - Մարդիկ կան, որ մթնոլորտ են ստեղծում. Բեյլա Մարկովնան այդ մարդկանցից էր»։

65 տարվա մանկավարժական գործունեություն, 50 գիտական աշխատանքի ղեկավարում, 20 տարի ՀՀԿԿ Ռուսաց լեզվի և նրա դասավանդման մեթոդիկայի ամբիոնի ղեկավար, դասագրքեր ու ամսագրեր, այդ թվում՝ ԱԴՀ-ում նրա ղեկավարությամբ տպագրված առաջին ամսագիրը՝ «Մշակույթների երկխոսություն» վերնագրով, երկլեզվյան հայեցակարգի մշակում, ռազմավարության և մարտավարության հմուտ զուգադրում...

Պրոֆեսոր Արդա Թոփուզյանը վերաբերեց գիտնականի հետ՝ տարիների իր համագործակցությունը՝ ընդգծե-

լով՝ նա մեր դեսպանն էր միության և աշխարհի մասշտաբով։

Պրոֆեսոր Մանուկ Մկրտչյանը գիտնականին ներկայացրեց որպես մեթոդաբանական մտածողության տեր անհատ, ով անփոխարինելի էր իր ոլորտում։

Ելույթ ունեցան Հայաստանի ճարտարապետության և շինարարության ազգային համալսարանի լեզուների ամբիոնի վարիչ Վաղարշակ Մադոյանը, ֆիզիկոս մանկավարժ Արդա Հարությունյանը, գիտնականի ուսանողուհի Նաիրա Դալյանը։

Վերջինիս թեկնածուական աշխատանքը ևս ղեկավարել է անվանի գիտնականը, նրա շնորհիվ Ն. Դալյանը Մոսկվայում դոկտորական ատենախոսություն է պաշտպանել։ Ուսանողուհին հիշում է՝ նա բոլորիս վարակում էր իր լավատեսությամբ ու սովորելու ձգտումով։

Ելույթ ունեցան Ռուսաստանի Դաշնության գիտակրթական կենտրոնների ներկայացուցիչներ, որոնք խոսեցին համատեղ կազմակերպած ծրագրերի ու նախագծերի մասին։

«Նա այնպիսի հետք է թողել իր ուսանողների մեջ, որ նրան երկար պիտի հիշեն ու առաջնորդվեն նրա մանկավարժագիտական հետազոտություններով», - ասաց Լիլյա Բալասանյանը։ - Նշանավոր գիտնականը պատկանում է ոչ միայն Հայաստանին, այլև բոլոր այն երկրներին, որոնց հիմնադրամների, ասոցիացիաների և կազմակերպությունների անդամն էր»։

Նա նոր մտքերի ու գաղափարների ստեղծող էր, նաև մեծ էր նրա դերը ռուս և ազգային բազմալեզվության մեթոդների ստեղծման ու կիրառման գործում», - ամփոփեց Լ. Բալասանյանը։

Ելույթ ունեցողների վառ հուշերն ու տպավորությունները ներկայացրեցին մեզ նորովի բացահայտեցին Բեյլա Եսաջանյան գիտնականի, մանկավարժի և պարզապես հիանալի կոնց կերպարը՝ նրանով ոգեշնչված աշխուճակելով գիտաժողովի երկրորդ մասը, որտեղ ներկայացված գեկուցումներում անդրադարձան Հայաստանում ռուսաց լեզվի դասավանդման հիմնախնդիրներին։


Սիլվա ԱՍՐՅԱՆ

ՃԵՄԱՐԻՏԻ, ԳԵՂԵՑԻԿԻ ԵՎ ԲԱՐՈՒ ՆԵՐԳՆԵՆԱԿ ՏՐՈՓՅՈՒՆՈՎ ԲԱԲԱՄԵԼՈՒ ԵՐՋԱՆԿՈՒԹՅՈՒՆԸ

Հռոմեական մեծագույն ճարտարապետ և արվեստի տեսաբան Մարկոս Վիթրուվիոսը ճարտարապետական կառույցի հիմքում դնում է երեք սկզբունք, որոնք մշակակալից են դարձնում կառույցը՝ օգտակարությունը, ամրությունը և գեղեցկությունը։ Ամենամեծ ու ամենաշահակալից ճարտարապետական կառույցը Աշխարհն է՝ տիեզերքը, աստղերն ու աստղաբույլերը, մեր այս փոքրիկ երկիր մոլորակը՝ իր բնությանը՝ կենդանական և բուսական աշխարհով, իր մարդկանցով... Ո՞վ է այդ հոյակերտ կառույցի հեղինակը։ Ամբիոնալի հարցադրում է սա, որի պատասխանը մեր իմաստուն մաթեմատիկոսները կործանեցին մեկ ընդգրկուն բառով՝ Աստված։ Չկա աստվածային այս Աշխարհ-կառույցից ավելի օգտակար, ավելի ամուր և ավելի գեղեցիկ ճարտարապետական կառույց, ու չկա նրա հեղինակից ավելի հանճարեղ ճարտարապետ։

Այդ ճարտարապետն իր աստվածային կառույցի անթերի չափն ու ձևը կատարել է մաթեմատիկայի միջոցով։ Եվ դարձրել շարունակ մարդիկ նույնպես իրենց ճարտարապետական կառույցներում աշխատում են պահպանել Վիթրուվիոսի նշած սկզբունքները, որոնց չափն ու ձևը կատարում են մաթեմատիկական հաշվարկներով։

Եվս մի բացառիկ ճարտարապետական կառույց է մարդը, որի շինանյութը՝ երեխան, աստվածային ստեղծագործություն է, իսկ նրանից ՄԱՐԿՈՎԼԱ կերտելու շնորհիվ էլ վերապահվում է առանձին ընտրյալների, որոնց մեր ժողովուրդը դարձրել շարունակ մեծարում է Ռուսոյից նվիրական անունով։



Արդեն ուղիղ հարյուր տարի է, ինչ Մանկավարժական ինստիտուտ-համալսարանը զբաղվում է հայոց աշխարհի համար այդ նվիրական մասնագետների պատրաստման առաքելությամբ։ Ու այդ սրբազան գործն իր գործընկերների հետ միասին իրականացնում է նաև մաթեմատիկոս-մանկավարժների մի քանի սերունդ։ Ու բոլոր այդ սերունդների գործունեության մեջ ամրության, օգտակարության և գեղեցկության վիթրուվիոսյան սկզբունքները աներևույթ ներկայություն են ունեցել։

Իսկապես, այստեղ, մայր Մանկավարժականում մաթեմատիկայի ապագա ուսուցիչն առաջին հերթին հասկանում է, որ «մա-

թեմատիկան լեզու է, որով գրված է բնության գիրքը, և այդ գիրքը կարդալու համար պետք է իմանալ մաթեմատիկայի լեզուն»։ Եվ որ այդ լեզվի իմանալությունը դառնում է բանալի ինչպես յուրաքանչյուր մարդու առօրեական կյանքի կազմակերպման, այնպես էլ բնությունը ճանաչելու, նրա գաղտնիքները իմանալու հարցերում։ Եվ որ մաթեմատիկական ճանաչումը ճշմարտության բացահայտման բացառիկ, իր նմանը չունեցող գործընթաց է, որ ուղեկցվում է անթերի ասպացուցումով, և այդ պատճառով է, որ բնական գիտությունների ու տեխնիկայի մեջ կատարված հայտնագործությունների հիմքում դրված չափն ու ձևը

կատարվում է մաթեմատիկայի միջոցներով։ Ու բոլոր այդ կառույցներում մաթեմատիկական այդ չափն ու ձևն է, որ ապահովում է դրանց ամրությունը և օգտակարությունը։

Այստեղ մաթեմատիկայի ապագա ուսուցիչը կարողանում է հասկանալ, որ «Մաթեմատիկան տիրապետում է ոչ միայն ճշմարտությանը, այլև բարձրագույն գեղեցիկին։ Հղկված ու խիստ, վեհորեն մաքուր և կատարյալին ձգտող ման գեղեցկությունը հատուկ է միայն արվեստի մեծագույն ստեղծագործություններին»։ Ու որ այդ գեղեցիկի տիրապետումը գեղեցիկ է դարձնում նաև մարդկային հոգիները, սովորեցնում է ճանաչել, գնահատել և ապրել գեղեցիկով։

Այստեղ մաթեմատիկայի ապագա ուսուցիչը հասկանում է, որ մաթեմատիկան բարիք է, ու ինքն այդ բարիքը մատաղ սերնդին հասցնող ու բաժանող առաքյալն է դառնալու, ու ինքը և նաև իր ապագա սաներն իրենց գործողություններում պետք է բարի ու արդար լինեն։

Այստեղ մաթեմատիկայի ապագա ուսուցիչը կարողանում է հասկանալ, որ մաթեմատիկան ունի մարդկային ոգու կռման անփոխարինելի խորհուրդներ, որոնք ունակ են կոփելու, հզորացնելու իրենց ապագա սաների ոգեղեն էությունը, նրանց մատաղ հոգիներին հաղորդելու ճշմարտի, գեղեցիկի և բարու ներդաշնակ տրոփյունով բարախելու երջանկությունը...

Հանլետ ՄԻՔՆԵԼՅԱՆ
Ֆիզմաթ գիտ. թեկնածու, մ.գ.դ.,
պրոֆեսոր



ՄԱԿ-ի վեկույցի համաարեքսպրում

Մանկավարժության ամբիոնի և ԴԻ ՎԻ ՎԻ ինքնիշխան կազմակերպության հայաստանյան գրասենյակի համատեղ նախաձեռնությամբ Մանկավարժական համալսարանում անցկացվեց «ԴԻ ՎԻ ՎԻ. Ապագայի հեռանկարներ» խորագրով ինտերակտիվ քննարկում:

Ներկաներին ողջունեց ՀՊՄՀ ռեկտոր Սրբուհի Գևորգյանը՝ կարևորելով համալսարանի 100-ամյակի առթիվ կազմակերպված քննարկումը: Ռեկտորը խոսեց միջազգային կազմակերպության հետ ամբիոնի լայնածավալ գործունեության մասին՝ քննարկման համատեքստում ընդգծելով. «Ժամանակակից աշխարհում տեղի ունեցող իրադարձությունները մեծապես կապված են կրթական ոլորտի հետ: Բազմաթիվ քննարկումներում բարձրացվում են հարցեր, որոնք վերաբերվում են հասարակությանը, մարդկանց կյանքի որակի բարելավմանը»:

Սրբուհի Գևորգյանը հույս հայտնեց, որ ԴԻ ՎԻ ՎԻ ինքնիշխան կազմակերպության գրասենյակի հետ բուհի համագործակցությունը բովանդակալից և երկար է լինելու:

ԴԻ ՎԻ ՎԻ ինքնիշխան կազմակերպության հայաստանյան գրասենյակի տնօրեն Էսթեր Հակոբյանը ներկայացրեց Գերմանիայում արդեն 100-ամյա, իսկ Հայաստանում 20-ամյա պատմություն ունեցող կազմակերպությունը: Նա ընդգծեց, որ աշխատանքները միտված են ոչ ֆորմալ կրթությանը, կրթական հարթակների հետ համագործակցության, համատեղ ջանքերի միջոցով կրթական փոփոխություններին, որոնցից մեկն էլ ներկա համադրումն է:

Նա շնորհավորեց բուհի 100-ամյակը և էստեթիկ մրցույթում հաղթող ճանաչված երեք ուսանողի՝ Արուս Այվազյանին, Անի Հարությունյանին և Էլեն Ավետիսյանին մրցանակներ հանձնեց:

Կազմակերպության հայաստանյան գրասենյակի ծրագրերի համակարգող Միշա Թադևոսյանը խոսեց Հայաստանում կազմակերպության գրասենյակի ստեղծման 20-ամյա պատմության, ծրագրերի ու խնդիրների շուրջ:

Կրթության փորձագետ Սերոբ Խաչատրյանը ներկայացրեց «Վերաիմաստավորելով մեր համատեղ ապագայի հեռանկարները: Հանրային նոր համաձայնագիր ի նպաստ կրթության» ՅՈՒՆԵՍԿՕ-ի կրթության հեռանկարների հարցերով միջազգային հանձնաժողովի զեկույցի հիմնական դրույթները՝ փորձելով դրանք տեղայնացնել հայաստանյան կրթական միջավայրում: Ձեկույցում կրում էր «Կրթության ապագա հեռանկարներ. միջազգային և ազգային միտումներ» խորագիրը:

Ձեկույցում անդրադարձավ կրթության մեջ սոցիալական դաշինքի կետերին, որոնց փոփոխման անհրաժեշտություն կա, հասարակական-առանցքային խնդիրներին՝ կլիմայի փոփոխություն, ժողովրդավարության նահանջ և այլն, կրթությանը որպես մարդու իրավունք և հանրային բարիք: Նա մասնավորապես խոսեց կրթական հաստատություններում արժանավորված կարծրատիպերի և անհրաժեշտ փոփոխությունների մասին:

Ըստ ՄԱԿ-ի զեկույցի՝ մա առաջարկեց նոր մանկավարժության մոդելներ՝ վստահեցնելով, որ պետք է հրաժարվել հին մո-

դելներից, դասերից, մեթոդներից ու գնահատման ձևերից՝ ընդգծելով, որ Հայաստանում կրթությունը բավականին անհատապաշտական է և մրցակցային, նաև բերելով ֆինանսական կրթության օրինակը:

«Նոր մանկավարժությունը փոխհարաբերություն է, սոցիալական արվեստ. թե ուսուցիչը, թե սովորողը ձևափոխվում են մանկավարժական շփման արդյունքում, քանի որ սովորում են միմյանցից», - ասաց զեկույցողը: Նա խոսեց ուսուցչի համագործակցային և թիմային աշխատանքի մասին, նոր մանկավարժության մեջ անդրադարձավ ուսուցչի գործունեությանը:

Ձեկույցում առաջ քաշեց մի շարք կարևոր հարցեր, որոնք պատասխաններ են ակնկալում. դպրոցը հասարակության հայելին է. ի՞նչ դպրոց է մեզ պետք և ի՞նչ հասարակություն՝ դպրոցին, դպրոցը չպետք է լինի պատվեր կատարող, այլ պատվեր տվող, ուսուցիչները ևս պետք է մասնակցեն իրենց վերաբերող հանրային բանավեճերին:

Ս. Խաչատրյանը կարևորեց միջառարկայական, խնդրահենք և համագործակցային ուսուցումը կյանքի ամեն փուլում և տարիքում, անդրադարձավ ուսումնական ծրագրերի բովանդակությանն ու գիտելիքի առանձնահատկություններին:

Ձեկույցողը հանդգնեց է՝ համալսարաններում պետք է կարևորվի արժեքային կրթությունը, իսկ տեխնոլոգիաները երբեք չեն կարող փոխարինել ուսուցչին:

Ձեկույցում շուրջ ծավալվեց մտքերի փոխանակություն, որին մասնակցեցին ՀՊՄՀ դասախոսներ և ներկա գտնվող ուսուցիչներ:

Հարցերը հիմնականում վերաբերում էին ուսուցչի կամավոր ատեստավորմանը, որի համատեքստում ընդգծեցին՝ վերապատրաստումը պետք է իրականացվի միայն բուհերի միջոցով: Խոսք գնաց նաև կրթության բովանդակության վերանայման մասին:

Ուսուցիչների հարցերին ամփոփիչ պատասխաններ տվեց համալսարանի ռեկտոր Սրբուհի Գևորգյանը՝ ասելով, որ բոլոր հիմնախնդիրների շուրջ համալսարանը պատրաստ է երկխոսության:

Վերջում ամփոփեցին Հայաստանում ինչպես իրականացնել նշված փոփոխությունները:

Եզրափակիչ ելույթով հանդես եկավ ՀՊՄՀ Մանկավարժության ամբիոնի վարիչ, պրոֆեսոր Վիդա Թոփուզյանը: Նա մասնավորապես ասաց, որ ՄԱԿ-ի հանձնաժողովի զեկույցի համատեքստում նոր խնդիրներ ու մարտահրավերներ են դրվում ժամանակակից մանկավարժության մասնավորապես մանկավարժական մասնագիտական բարձրագույն կրթության առաջ և թվարկեց այն քայլերը, որոնք պետք են՝ վերաիմաստավորելու մանկավարժական կրթության առաքելությունը, գործառույթներն ու նպատակները, նշակելու մանկավարժական նոր ռազմավարություններ, վերանայելու ուսուցչի դերի և առաքելության, մասնագիտությանը ներկայացվող պահանջների ու կոմպետենցիաները:

Պրոֆեսորը կարևորեց ժամանակակից մանկավարժական բուհում ռեֆլեքսիվ անձի դաստիարակումը, ուսուցիչների և դասախոսների թվային գրագիտությունը:

Դիմանկարի փորձ

Աշխարհն Աշուր Առաքելյանի աչքերով

«Նա ոչ միայն բացառիկ նկարիչ է՝ բարձր վարպետությամբ և օրիգինալ ու անհամեմատելի տեխնիկայով... միաժամանակ մարդ՝ աշխարհի հանդեպ ունեցած իր գեղեցիկ աշխարհայացքով: Դրանից է բխում նրա կախարհանքը, մաքուր համեստությունը և շիտակությունը», - մեր համալսարանի նախկին աշխատակցի, դասախոսի հոբելյանի առիթով իրավացիորեն գրել է Չեխիայի «Ալովացի Դեննիկ» թերթի գլխավոր խմբագիր Մարտին Նեվիելը:

Աշուր Առաքելյանը ծնվել է 1948 թվականին: Այդ օրը պապիկի՝ Փարսադանի օջախում մեծ ուրախություն է եղել: Հայրն այդ ժամանակ 25 տարեկան էր, մայրը՝ 21: 1955 թվականին ընդունվել է Երևանի N 40 դպրոցը, իսկ 1971-ին՝ Երևանի մանկավարժական ինստիտուտի Պատմության ֆակուլտետը, որն ավարտել է 1976-ին: 1972 թվականից մինչև 1991-ը աշխատել է Հայոց պատմության ամբիոնում՝ որպես ավագ լաբորանտ, կաթինետի վարիչ, այնուհետև անցել դասախոսական աշխատանքի: Այժմ այդ ամբիոնի պատվավոր անդամ է և ամեն տարի սիրով է այցելում Հայաստան, նաև հարազատ ամբիոնի գործընկերներին ու իր սիրելի դասախոսներին, ինչպես նաև իր համար մասնագիտական կուռք՝ պատմաբան, պրոֆեսոր Սուրեն Հակոբյանին:



1989 թվականին Աշուրն ամուսնացել է չեխոսի Եվայի հետ, ում հետ երկու տարի ապրել են Երևանում: Եվան սիրով է հաճախել ինստիտուտի հայոց լեզվի արագացված դասընթացներին և հայերեն սովորել:

1988-94 թվականներին, երբ Հայաստանում քաղաքական մթնոլորտն այլ էր, չեխոսի կինը չի կարողացել հարմարվել մութ ու ցուրտ տարիներին ստեղծված պայմաններին, և հարկադրված տեղափոխվել են Չեխիա:

Աշուրն անկեղծանում է՝ երբեք չի հարգել և չի էլ մեղադրել այն մարդկանց, որոնք տնտեսական ու քաղաքական պայմաններից ելնելով լքել են հայրենիքը: Իր պարագայում ընտանիքը կորցնելու խնդիր առաջ էր կանգած, որն էլ նրան կնոջ հետ տարավ Չեխիա: Այս մասին նա միշտ արտաստանքով է խոսում, մի տեսակ մեղքի զգացումով. վարվել է իր սկզբունքներին հակառակ:

Չեխիայում Աշուր Առաքելյանին շուտով աշխատանքի են հրավիրում Օլոմոուց քաղաքի Մանկավարժական ինստիտուտ, սակայն հրաժարվում է լեզվին բավարար չտիրապետելու պատճառով: Երկու տարի Մոսկվայում նկարչության դասընթացների մասնակցելը նրան հնարավորություն ընձեռեց ակտիվորեն անցնել երկրորդ մասնագիտությանը՝ նկարչությանը:

Այսօր արդեն Հայաստանի, Արցախի, Չեխիայի նկարիչների միության անդամ է, Չեխիայի պրոֆեսիոնալ նկարիչների կազմակերպության անդամ: Բազմաթիվ ցուցահանդեսներ է ունեցել ոչ միայն Հայաստանում ու Արցախում, այլև Չեխիայում, Բելգիայում, Հոլանդիայում, Սլովակիայում, Իտալիայում:

Միաժամանակ Չեխիայի «Դենիկ» (Denik) թերթի արտահաստիքային քաղաքական մեկնաբան է, արժանացել է մի շարք պատվոգրերի:

Ենթադրելով «Ալովացի Դեննիկ» թերթի գլխավոր խմբագիր Մարտին Նեվիելը, երբ գրել է. «Մեզ մոտ՝ Մորավիայում Աշուրն ապրում է արդեն երկար տարիներ, այդ ժամանակահատվածում նրա մոտ արմատավորվել է մեր եվրոպականը, իսկ մյուս մասով մնում է որպես հայ: Դա արտահայտվում է նրա նկարչության մեջ: Նրա ստեղծագործությունների մի մասը վայրի գեղեցկությամբ արտարկատ ծաղիկներ են, իսկ մյուսը՝ հավասարակշռված միջին եվրոպականը: Ամեն մի նկարին տալիս է հավասարակշռվածություն և լավատեսություն այնպես, ինչպես ինքն է կյանքում»:

Արցախցու արմատներով Աշուր Առաքելյանը կյանքի ու գործի մարդ է, իր ծննդավայրի բնաշխարհի գեղեցկություններին կառչած, այդ գեղեցկություններն իր մեջ ամփոփած անհատ: Նրա գեղանկարչության գույները շռայլորեն բխում են հոգուց ու սրտից, հայրենի Արցախի հող ու ջրի երակներից ու շռայլորեն էլ տրվում շրջապատին: Նա իր ստեղծագործական աշխարհն անմնացորդ նվիրում է իրեն շրջապատող աշխարհին, ընկերներին ու բարեկամներին՝ գեղեցիկ գույներով ու զգացողություններով, լավատեսությամբ լցնում նրանց օրը, որ նաև իրենն է: Եվ ընկերները աշխարհը հաճախ դիտում են ոչ թե իրենց, այլ Աշուրի աչքերով. «Եվ դա գեղեցիկ տեսարան է»:

«Հոգուս մեջ Հայաստանն է, և ամեն տարի սիրով են գալիս: Կուզեի իմ հարազատ բուհին, ամբիոնին, ուսանողությանը շնորհավորել 100-ամյակի առթիվ և մաղթել անմեայն բարին»:

Յուրաքանչյուր մարդու մեջ, իմ կարծիքով, կա երկու մեծ վեհություն՝ Պատիվ և Հայրենիք: Կցանկանայի մեր ուսանողներին մաղթել երջանիկ ապագա, միշտ բարձր պահեն իրենց Պատիվն ու Հայրենիքը»:

Արցախի Հանրապետության վաստակավոր նկարիչ, Ֆրիտյոֆ Նանսենի ոսկե մեդալակիր, պատմաբան և նկարիչ Աշուր Առաքելյանը Չեխիայում հասարակական-քաղաքական հարթակներից պարբերաբար խոսում է Հայոց ցեղասպանության ճանաչման մասին, հանրահռչակում անցյալ դարի մեծ ոճիրը, ելույթներով ու հոդվածներով հանդես գալիս՝ օտար երկրում բարձր պահելով Հայաստանի անունը:



«Իմ աշխարհն այսօր և վաղը»

Հովհաննես Թումանյանի թանգարանի ցուցասրահում նույնպես 1-ին, ՄԱԿ-ի հովանավորությամբ, բացվեց լուսանկարչական աշխատանքների ցուցահանդես՝ «Իմ աշխարհն այսօր և վաղը» խորագրով՝ նվիրված համալսարանի 100-ամյակին: Ցուցահանդեսին ներկայացվել էին Կուլտուրայի ֆակուլտետի Օպերատորության, գեղարվեստական լուսանկարչության և սոցիալ-մշակութային գործունեության ամբիոնի դասախոսների, ուսանողների և շրջանավարտների աշխատանքներ՝ 37 հեղինակի 140 լուսանկարչական աշխատանք:

Ցուցասրահում ներկայացված էին դիմանկարներ, նատյուրմորտներ, հայաստանյան բնանկարներ, այն ամենն, ինչ նկատելի էր լուսանկարչի աչքը:

Ցուցահանդեսի գեղարվեստական ղեկավար, ՀՊՄՀ Օպերատորության, գեղարվեստական լուսանկարչության և սոցիալ-մշակու-



թային գործունեության ամբիոնի պրոֆեսոր, ՀՀ Արվեստի վաստակավոր գործիչ Սամվել Սևադյան փաստեց, որ աշխատանքներն ընդգրկում են, թեմաները՝ բազմաբնույթ, որոնցում արտահայտված է այն ամենն, ինչ կարևոր է կյանքում:

Մանկավարժական համալսարանի ռեկտոր Սրբուհի Գևորգյանը կարևորեց համալսարանի 100-ամյակին նվիրված ցուցահանդեսը՝ ընդգծելով, որ ներկայացված աշխատանքները վավերացնում են ՄԱԿ-ի մարդասիրական կարևորագույն թեզերը՝ դրանք դիտելով համալսարանի առաքելության համատեքստում:

Ցուցահանդեսի հովանավորությունն ստանձնած ՀՀ-ում Միավորված ազգերի կազմակերպության մշտական համակարգողի պաշտոնակատար Լիլյա Պիտերս Յահիան կարևորեց ցուցահանդեսը՝ որպես մշակութային ձեռնարկ, որն իր գույներով ու թեմատիկայով կարող է փոխել ցանկացած անհանդուրժողականության ու ատելության միջավայր:

Նա շնորհավորեց համալսարանի 100-ամյակի առթիվ՝ բուհին մաղթելով հարատևություն, նաև ողջունեց անչափ կարևոր ձեռնարկի մասնակիցներին՝ վստահեցնելով, որ լուսանկարչական արվեստը դարի մարտահրավերներին դիմակայելու միջոց է:



Սերունդների կապը խորհրդանշող ցուցահանդես

Ֆիզիկայի, մաթեմատիկայի և ինֆորմատիկայի ֆակուլտետում Տեխնոլոգիական կրթության ամբիոնը կազմակերպել էր ուսանողների և շրջանավարտների տեխնոլոգիական աշխատանքների ցուցահանդես: «Ցուցահանդեսի միտքը, գաղափարը և նպատակը ուղղված է մեր համալսարանի 100-ամյակին: Մեզ հաջողվել է ի մի բերել ուսանողների և շրջանավարտների աշխատանքները և կազմակերպել այս գեղեցիկ ցուցահանդեսը:

Կարծում են սա այն բուհն է, որը պետք է արժանանա պետության ուշադրությամբ, որովհետև սա այն դարբնոցն է, որտեղ պատրաստում են ուսուցիչներ, որոնք էլ ուսուցանում են ապագա քաղաքացուն, զինվորին ու հերոսին», -ասաց ամբիոնի վարիչ Արտակ Սահարյանը:

Ցուցահանդեսը բազմաբնույթ էր. ներկայացվել էին ձեռագործ աշխատանքներ, մոդելներ, տիկնիկներ, ասեղնագործության նմուշներ, սովորաբար թաղիքե աշխատանքներ:

Երևանի N 177 հիմնական դպրոցի տեխնոլոգիայի ուսուցչուհի Կարինե Շամիրյանը ներկայացրել էր թաղիքագործություն թեման: Թաղիքը հին հայկական մշակույթ է, որի ներքո ներկայացված էին սովորողների աշխատանքները՝ մարաշի ասեղնագործությամբ պայուսակներ, թաղիքե գլխարկներ, հայկական տարագրվ տիկնիկներ, նաև մետաքսի և բրդի համադրությամբ շարֆեր՝ վրան զարդանախշեր: Աշխատանքները միայն բնական նյութերով են պատրաստվել՝ ընդգծեց ուսուցչուհին:

Արմավիրի մարզի Հացիկի միջնակարգ դպրոցի տեխնոլոգիայի և կերպարվեստի ուսուցչուհի Գայանե Ասատրյանի նախաձեռնությամբ ներկայացվել էր իր և դպրոցի աշակերտների աշխատանքները: ՀՊՄՀ շրջանավարտը սիրով խոսեց հարազատ բուհի և ֆակուլտետի մասին, ներկայացրեց երեխաների ձեռքով պատրաստված տիկնիկները, որոնք արվել են դպրոցի տիկնկային թատրոնի համար, նաև հայկական ազգային նախշերով կարպետները, զանազան նյութերով պատրաստված զարդեր:

Ազգային նախշերով կարպետների մոտ դպրոցականները հանդես եկան ազգային երգի հրաշալի կատարումներով:

Վլադիմիր Մկրտչյանը ավելի քան երեք տասնամյակ ուսուցիչ է աշխատում: Նա Արմյան քաղաքի N 2 հիմնական դպրոցի տեխնոլոգիայի ուսուցիչն է: Ցուցահանդեսում նա ներկայացրել էր տղաների՝ դասաժամերին և խմբակների պարապմունքներին խառատային հաստոցի վրա կատարված, նաև ձեռքի աշխատանքներ: Այս ուսումնական տարում դպրոցում ներմուծել են խաչքարագործություն. ներկայացված էին խաչքարագործության առաջին նմուշները: Միաժամանակ տարբեր թափոններից պատրաստված աշխատանքներ էին ներկայացվել՝ կակուս, դոլուն և այլն: Դպրոցականները սովորաբար թափոններին նոր կյանք էին պարգևել:

Ցուցահանդեսը ոչ միայն խորհրդանշանական էր՝ նվիրված բուհի հրեքյանին, այլև արտացոլում էր համալսարան-դպրոց սերունդների կապը:

Սիլվա ԱՍՐՅԱՆ



Հաստատուն քայլերով

Ուսանողական տարիները գրեթե բոլորի մոտ վառ ու գունդեղ հուշեր են արթնացնում: Սկզբում դեպի կրթօջախ տանող քայլերը երբեք են, բայց առավել կարևոր է, որ այդ նույն կրթօջախից դուրս գալիս լինես վստահ և հաստատուն քայլերով և գիտելիքի որոշակի պաշարի ուղեկցությամբ:

2010 թ.-ին ընդունվել են Խ.Արմյանի անունը կրող Հայկական պետական մանկավարժական համալսարանի Կուլտուրայի ֆակուլտետը, սովորել «Գրադարանային տեղեկատվական աղբյուրներ» բաժնում:

Մասնագիտության ընտրության հարցը կարևոր ընտրություն է, բայց մինչև ուսումնառությունն սկսելն առանձնապես պատկերացում չունեի մասնագիտության առանձնահատկությունների մասին: Բակավարժի 4 տարիների ընթացքում համակուրսեցիներիս հետ և դասախոսական անձնակազմի ուղղորդմամբ սկսեցի մասնագիտության բազմաշերտությունն ուսումնա-

սիրել: Այս ընթացքում բուհում անմասն չէի մնում նաև ուսանողական առօրյայից՝ ինտելեկտուալ ակունք, բանավեճի ակունք, մրցույթներ, նոր ծանոթություններ, նոր ձեռքբերումներ:

Դեռ ուսումնառության շարունակել են նույն բաժնի մագիստրատուրայում, որի ընթացքում ուսման բազմազբաղ առօրյային ավելանում է գիտահետազոտական մագիստրոսական աշխատանքի փուլը. ես ընտրել էի «Հայ գրքի և գրչության արվեստը միջնադարյան Հայաստանում. բնական վերլուծություն» թեման, որը գիտական ղեկավարիս անմիջական մասնակցությամբ որպես զեկուցում ներկայացրել են նաև ԵՊՀ ՈՒԳԸ տարեկան գիտական նստաշրջանին (ապրիլի 25-29, 2016 թ.):

Մագիստրատուրայում սովորելու ժամանակ մրցութային կարգով հնարավորություն ընձեռվեց մասնակցել «Ամառային դպրոց» փոխանակման ծրագրին, որի շրջանակում հնարավորություն ստացա լինել Ֆինլանդիայի Օուլու քաղաքի նույնանուն համալսարանում:

Համալսարանում կրթության այս տարիների ընթացքում, գիտելիքներից գատ, ունեցել են սիրելի դասախոսներ, որոնք ինձ համար եղել են բարեկամ, ավագ ընկեր ու սրտացավ խորհրդատու:

Բուհն ավարտելուց շատ չանցած սկսել են աշխատել իմ մասնագիտությամբ և մինչ այժմ էլ շարունակում են աշխատել Հայաստանի Ամերիկյան համալսարանում որպես տեղեկատու-գրադարանավար:

Արմինե ՄԵԼԻՔՅԱՆ
Կուլտուրայի ֆակուլտետի
շրջանավարտ, Հայաստանի Ամերիկյան
համալսարանի Փափագյան գրադարանի
տեղեկատու-գրադարանավար

Սովորեցրին սիրել թանգարանը

Ես Մարջան Պետրոսյանն եմ: Ավարտել եմ Խ. Արմյանի անվան հայկական պետական մանկավարժական համալսարանի Կուլտուրայի ֆակուլտետի «Թանգարանային գործ և պատմամշակութային կառույցների պահպանություն» բաժնին: Աշխատում եմ Մայր Աթոռ Սուրբ Էջմիածնի թանգարաններում որպես ֆունդայախ: Աշխատելով թանգարանում՝ հասկացա, որ լիարժեք չեմ տիրապետում թանգարանային գործին և թանգարանային առարկաների հետ տարվող խնամքին: Որոշում կայացրի ընդունվել Մանկավարժական համալսարան: Սովորելու տարիներին հասկացա, որ շատ կարևոր է հմուտ մասնագետների կողմից կրթվել, ձեռք բերել բազային գիտելիքներ: Համալսարանում ուսանելու տարիներին սովորեցի ավելի ճիշտ ուսումնասիրել, հաշվառել, վերլուծել, պահպանել ու խնամել մեր արվեստի գործերը: Ուսումնառության ընթացքում ինձ սովորեցրին սիրել թանգարանը:

Վերջին յոթ տարիներին զբաղվում եմ թանգարանային տեքստիլ առարկաների վերականգնմամբ: Մասնագիտական աշխատանքում այս մասնագիտության մեջ՝ գտա մեկ ուրիշ աշխարհ, որ կարող եմ նոր կյանք տալ թանգարանային առարկաներին, որոնց մեջ է մեր մշակույթը, մեր պատմությունը և մեր ինքնությունը: Ուրախ եմ նաև, որ իմ աշխատանքով հնարավորություն ունեմ դիպչելու դարեր առաջ ստեղծված հրաշալի ստեղծագործություններին և այն սերդեսերունդ փոխանցելու:



Մարջան ՊԵՏՐՈՍՅԱՆ
Կուլտուրայի ֆակուլտետի շրջանավարտ



Սիրված երգերի նոր մեկնաբանությամբ

Գեղարվեստական կրթության ֆակուլտետի երաժշտության մանկավարժության ամբիոնի դասախոս Արուսյակ Կոստանյանի երաժշտական աշխատության շնորհանդեսն ուղեկցվեց դասական երաժշտական հայտնի ստեղծագործությունների կատարումներով: Հեղինակն իր գրքում ներկայացրել էր հայ կոմպոզիտորների երգերի դաշնամուրային փոխադրումներ, մեթոդական ցուցումներ:



Միջոցառման ընթացքում ներկաները ունկնդրեցին Շառլ Ազնավուրի, Տիրան Ժորժ-Կառլարենցի, Ալեքսեյ Յեփիմյանի, Արամ Սաթյանի, Արամ Ավագյանի, Արթուր Գրիգորյանի, Էդգար Հովհաննիսյանի և այլոց ստեղծագործությունները:

Անցյալ սերնդի ճանաչված ու սիրված ստեղծագործությունների վոկալ և գործիքային կատարումներով ներկաներին հիացրին Արուսյակ Կոստանյանը, Վազգեն Մինասյանը, Լիլի Խաչատրյանը, Արմինե Օջախյանը, Տիգրան Ավազեղյանը, Մարիաննա Ավետիսյանը:

«Հայ կոմպոզիտորների երգերի դաշնամուրային փոխադրումներ, մեթոդական ցուցումներ» աշխատությունում հեղինակն ընդգրկել էր հայ կոմպոզիտորների և երգահանների ճանաչված ու առավել սիրելի երգերի դաշնամուրային փոխադրումները՝ որպես մանրամասնագրված:

Գիրքը նախատեսված է բարձրագույն երաժշտական հաստատությունների, քոլեջների, երաժշտական դպրոցների, կատարողական հնարավորություններ ունեցող դաշնակահարների և երաժշտասեր հանրության համար: Որոշ փոխադրություններ ներկայացված են բարդ, միջին բարդության և պարզ տարբերակներով:

Համերգային ծրագրի վերջում մասնակիցները միասին կատարեցին Էդգար Հովհաննիսյանի «Մայրիկ» երգը:

Մանկիցները միասին կատարեցին Էրեբունի-Երևան երգը:

«Հաճելի էր լսել ժամանակին շատ սիրված երգերը նոր փոխադրումներում: Դրանք վերապրեցնում են մեզ, ասաց անվանի կոմպոզիտոր Արամ Սաթյանը: Օրինակ «Իմ կապույտ երազ» երգն արդեն կեսդարյա պատմություն ունի: Այն հնչել է Ջառա Տոնիկյանի կատարմամբ, հետաքրքիր էր դաշնամուրային ստեղծագործությունը նոր մեկնաբանմամբ»:

Սիրված կոմպոզիտորը կարևորեց նման ձեռնարկները՝ ասելով. «Կան երգեր, որոնք մնայուն են, նրանք ժամանակի հետ այլ մեկնաբանություններով պետք է ներկայացվեն նոր սերնդին»:

Մանկավարժական համալսարանի երաժշտության մանկավարժության ամբիոնի դասախոսների և օրվա «մեղավորի» Արուսյակ Կոստանյանի՝ դասական երաժշտական կատարումները հանդիսատեսին հաճելի պահեց, զգացողություններ ու լավ տրամադրություն պարգևեցին՝ խոստանալով մշակութային միջոցառումների շարունակականություն:

Խաղաղության պանգոյն

Ութն անց երեսուն րոպե. զանգը հնչում է, քո բարևով նստում են, օր են սկսվում, և սկսվում է քառասունհինգ րոպե տևող մի աշխարհ: Դու նրանց հետ խոսելու ես մեր բոլորի ունեցած ամենաթանկի՝ մայրենիի մասին: Քեզ հետ շփվելուց հետո նրանք կամ կսիրեն Տերյանին, տանը կպատմեն, այգուս կնստեն ու կկարդան կամ շրիկոցով կփակեն գիրքը: Իսկ նրանք հաստատ կփակեն, եթե կեղծես, որովհետև դու երբեք չես կարող կեղծել: Կեղծելու մասին միայն մտածելն արդեն ծայրահեղ է:

Քաղաքի անմիջապես սրտում է Խ. Աբովյանի անվան N 2 հիմնական դպրոցը: Այն քաղաքի ամենահին դպրոցներից է, որի ավանդույթի ուժը բակից ու դռներից ներս մտնելիս կարելի է զգալ: Այս անընդհատ փոխվող, չգիտես՝ ուր սկսող աշխարհում այնքան սիրտ չոտող է մի ամբողջ դպրոց տեսնել աշակերտական ճեփ-ճերմակ վերնաշապիկներով... Եվ այդ աշակերտական հագուստը նրանց թելադրում է համապատասխան կեցվածք, զգաստություն մեծի, ուսուցչի հետ խոսելու, որ զնալով այնքան է մեզ բոլորիս պակասում...

Այս շրջանը կարծես ծիածանի կապույտը լինեք, որ հոգու խաղաղության է նման, բայց հետո պիտի անծիր կարոտ դառնա...

Այդ մեծ ամրոցում ինձ դիմավորեց հայեցի, գիտակ տիկին Աբգարյանը, որի ազգանունը անտարբեր անցնել թույլ չէր տվել...

Եվ ես վստահ եմ, որ հիմա էլ տիկին Աբգարյանը կարդում է աշակերտների համար, որովհետև նա սովորեցնում է ամենից կարևորը՝ հարգանքը և ձգտումը դեպի գիրքը, արվեստը, գեղեցիկը:

Դպրոցը ամենեկին չի սահմանափակվում այն քառասունհինգ րոպեով, որն անցկացնում ես դասասենյակում: Դպրոցը սկսվում է ավելի վաղ քան ութն անց երեսուն րոպե և ավարտվում... իսկ արդյոք նույնիսկ երազում ավարտվում է դպրոցը...

Նրանք այնքան գեղեցիկ են, այնքան համահունչ՝ իրենց դասղեկի և մայր լեզվի ուսուցչուհու գլխավորությամբ: Եվ նրանք արեցին այնպես, որ համալսարանական կրթության այս կարևորագույն շրջանը՝ իմ ամփոփիչ պրակտիկան, կապույտ հագնի, որ խաղաղություն է ու հետո պիտի անծիր կարոտ դառնա...

Տաթև ԹԱՄՐԱԶՅԱՆ
Բանասիրության ֆակուլտետի
4-րդ կուրսի ուսանողուհի

Ես ընտրել եմ Մանկավարժականը

Ես Նարինե Նանյանն եմ, սովորում եմ Խաչատուր Աբովյանի անվան հայկական պետական մանկավարժական համալսարանի Սկզբնական կրթության ֆակուլտետի Տարրական կրթության և մեթոդիկայի բաժնում: Համալսարանի և մասնագիտության ընտրության հարցի մասին երկար չեմ մտածել. մանկուց երազել եմ մանկավարժ դառնալ, որովհետև միշտ մտածել եմ մանկավարժի գործը ամենահարգվածն է, ամենապատվաբերը: Իսկ ինչու հենց դասավար. նախ ասեմ, որ շատ-շատ եմ սիրում աշխատել փոքր երեխաների հետ, նրանք շատ անկեղծ ու պարզ են, բայց դրանից զատ, ավելի շատ ոգեշնչվել եմ իմ առաջին ուսուցչուհու՝ դասվարի կերպարից:

Այս բաժնի դիմելուց առաջ հասկանում էի, թե ինչ մեծ պատասխանատվություն է լինել երեխաների առաջին ուսուցիչը, որովհետև առաջին ուսուցիչը երբեք չի մոռացվում, մնում է սովորողների հիշողության մեջ: Դասվարը մեծ դեր ունի նրանց մտածելակերպի, դաստիարակության, աշխարհայացքի ձևավորման գործում. նա կրթության որակի հիմքն է դնում, որի վրա կառուցվում է մնացյալը:

Այժմ ես սովորելու եմ հեռակա ուսուցման համակարգում, որի դասերն ավելի ուշ են սկսվում: Բայց սովորելու իմ ցանկությունն

այնքան մեծ էր, որ ուզում էի ավելի շուտ հաճախել համալսարան: Դիմեցի նախապատրաստական կրթության բաժնի պետ Լևոն Հարությունյանին և Սկզբնական կրթության ֆակուլտետի դեկան Հեղինե Խաչատրյանին, որպեսզի թույլ տան ինձ սեպտեմբերից մասնակցել առկա ուսուցման համակարգի դասերին մինչև իմ դասերն սկսվեն:

Ես սիրով ու մեծ պատրաստակամությամբ եմ հաճախում դասերին, միաժամանակ սովորում եմ ծրագրավորման լեզու և եռաչափ մոդելավորում:

Եկավ հեռակա ուսուցման միասնական քննությունների ժամանակը, և ես, պահպանելով հայոց լեզվի քննության արդյունքը, քննություն հանձնեցի մաթեմատիկայից: Լավ արդյունքով էր պայմանավորված իմ հայտնվելը Մանկավարժականում: Այժմ ինձ համար ավելի հեշտ է. ես արդեն ծանոթ եմ բուհին, դասախոսներին, ուսանողական կյանքին, ինձ համար ավելի հեշտ է մասնակցել դասերին:

Ես հպարտ եմ, որ ընտրել եմ Մանկավարժական համալսարանը:

Նարինե ՆԱՆՅԱՆ
Սկզբնական կրթության ֆակուլտետի
Տարրական կրթության և մեթոդիկայի
բաժնի հեռակա ուսուցման համակարգի
1-ին կուրս

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԲԺՇԿԱԿԱՆ ԳԻՏՈՒԹՅՈՒՆՆԵՐԻ ԱՎԱԴԵՄԻԱ
ACADEMY OF MEDICAL SCIENCES
REPUBLIC OF ARMENIA
АКАДЕМИЯ МЕДИЦИНСКИХ НАУК
РЕСПУБЛИКА АРМЕНИЯ

Հակոբ Գրիգորյան
ԱՎԱԴԵՄԻԱՅԻ ԻՍԿԱԿԱՆ ԱՆԴԱՄ

Hakob Grigoryan
Active member of Academy

Akon Grigoryan
Действительный член Академии

ՄԱՍԻՍԳՐԻ
L. N. ՄԿՐՏՅԱՆ
PRESIDENT
L.N. MKRTCHYAN

Շնորհավորում ենք
Օրերս կայացավ ՀՀ Բժշկական գիտությունների ակադեմիայի հերթական նիստը, որտեղ առաջին անգամ ՀՀԽՀ պորտֆելոյի պաշտոնակատար Հակոբ Գրիգորյանն ընտրվեց բժշկական գիտությունների ակադեմիայի իսկական անդամ (ակադեմիկոս):

Ծնունդը շնորհավոր, 100-ամյա մեր համալսարան

«Կրթությունն ազգի դեմքն է, իսկ Մանկավարժական համալսարանը 100-ամյա այն դարբնոցը, որը բազմադարյա հայ դպրոցին հաղորդում է ժամանակի շունչը: Այն պետք է հավերժ պարի՝ ուսուցման ուղին հարթելու համար», - այսպես ՀՊՄՀ N 57 հիմնական դպրոցի սաները շնորհավորեցին բուհի հոբելյանը՝ կառույցի հիմնադրումը համարելով խոշոր իրադարձություն մանկավարժական հանրության համար:

4ա և 4բ դասարանների աշակերտները պատահական չհամարեցին, որ բուհը կրում է Մեծ Լուսավորիչ Խաչատուր Աբովյանի անունը. հայ ականավոր մանկավարժի համար մանուկներին կրթելն աշխարհիս երեսին ամեն բան է, իսկ ազգի պահողը, իրար հետ միացնողը՝ լեզուն ու հավատը:

Տոնական ձեռնարկին ներկա Խաչատուր Աբովյանը հայրենասիրության և հերոսության դաս տվեց՝ սովորեցնելով ճանաչել ժողովրդին, սիրել նրա նիստուկացը, հիանալ նրա իմաստությամբ ու կենսունակությամբ:

Աշակերտները հպարտորեն նշեցին՝ դպրոցը, որ գործում է բուհի կազմում, պահպանում է համալսարանի ստեղծած ավանդույթները, և իր արժեքները փոխանցում կրտսեր սերնդին՝ դարձնելով նրա արժանի գավակը:

Միջոցառումն ուղեկցվեց փոքրիկ երգչախմբի կատարումներով և բեմադրությամբ:

«Ծնունդը շնորհավոր, մեր համալսարան:

րան: Մենք հավատում ենք քեզ, քո անսպառ լույսին, անվերջ ընթացքին: Մենք գալիս ենք քեզ ընդառաջ և քո հետևից», - միջոցառման ավարտին նշեցին ուսուցչական կազմի ներկայացուցիչներն ու հավելեցին՝ լուսավորիչ մեր ճանապարհը, դարձիր մշտնջենական լույս՝ նվիրյալ ուսուցիչների, ապագայի աչքերով նայող փոքրիկների համար:

Մարին ԱՂԵԿՅԱՆ





Նոյեմբերի 26-ին Մանկավարժական համալսարան էին այցելել N 104 դպրոցի 7ա դասարանի 35 աշակերտներ: Նրանք եղան համալսարանի պատմության թանգարանում, գիտական գրադարանում, Լրատվության և հանրության հետ կապերի վարչությունում, ուր ծանոթացան «Մանկավարժական համալսարան» թերթի և Ռադիոֆամայի աշխատանքներին: Երեխաներին ուղեկցում էին դպրոցի տնօրեն Նաիրա Մարտիրոսյանը, դասղեկ Մարիամ Նավասարդյանը, պրակտիկայի ղեկավար Աիդա Կոծինյանը:



Լույս է տեսել «Հայագիտական հանդեսի» հոբելյանական համարը



Լույս է տեսել ՀՀԿՄ «Հայագիտական հանդեսի» հոբելյանական թողարկումը՝ հանդեսի խմբագրական խորհրդի ներածականով, ՀՀԿՄ ղեկավար, հոգեբանական գիտությունների դոկտոր, պրոֆեսոր Սրբուհի Գևորգյանի, ՀՀԿՄ ուսումնագիտական գծով պրոռեկտոր Մարիամ Իսպիրյանի, բանասիրական գիտությունների դոկտոր, պրոֆեսոր, Հայագիտական հանդեսի գլխավոր խմբագիր Մարտին Գիլավյանի, Բանասիրական ֆակուլտետի ղեկավար, բանասիրական գիտությունների դոկտոր, պրոֆեսոր Աշոտ Գալստյանի, ՀՀԿՄ Լեզվի կոմիտեի նախագահ, բանասիրական գիտությունների թեկնածու, դոցենտ Դավիթ Գյուրջինյանի, Վ. Պարտիզոնու անվան Հայ նոր և նորագույն գրականության և նրա դասավանդման մեթոդիկայի ամբիոնի վարիչ, բանասիրական գիտությունների դոկտոր, պրոֆեսոր Սուրեն Դանիելյանի, Հայ հին և

միջնադարյան գրականության և նրա դասավանդման մեթոդիկայի ամբիոնի վարիչ, ՀՀ ԳԱԱ թղթակից անդամ, բանասիրական գիտությունների դոկտոր, պրոֆեսոր Աելիտա Դուլիսյանյանի, ՀՀԿՄ Լեզվաբանական հետազոտությունների գիտական լաբորատորիայի վարիչ, բանասիրական գիտությունների դոկտոր, պրոֆեսոր Լալիկ Խաչատրյանի, Պատմության և հասարակագիտության ֆակուլտետի ղեկավար, պատմական գիտությունների թեկնածու, դոցենտ Էդգար Հովհաննիսյանի, Գիտական գրադարանի տնօրեն Տիգրան Պետրոսյանցի, գրող, հրապարակախոս, 1969 թ. շրջանավարտ Հովհաննես Պապիկյանի, Բանասիրական ֆակուլտետի մագիստրատուրայի 1-ին կուրսի ուսանողուհի Աննա Կոստանյանի՝ տարբերություն, հուշեր պարունակող հոդվածներով ու շնորհավորական ուղերձներով:

Մասնակցեցին ծառատունկի

Մանկավարժական համալսարանի պրոֆեսորադասախոսական անձնակազմը և ուսանողները նոյեմբերի 5-ին ուղևորվեցին Արագածոտնի մարզ՝ մասնակցելու համապետական ծառատունկի: Ծառատունկն սկսելուց առաջ Կենսաբանության, քիմիայի և նրանց դասավանդման մեթոդիկայի ամբիոնի վարիչ, կենսաբանական գիտությունների դոկտոր, պրոֆեսոր Սամվել Պիպոյանն ուսանողներին ներկայացրեց էկոլոգիայի, նրա մշակակության և էկոլոգիական համընդհանուր խնդիրների մասին:

Այնուհետև 4090 մ բարձրություն ունեցող Արագած լեռան փեշերին դասախոսները և ուսանողները բաժանվեցին խմբերի և անցան ծառատունկի:

«Առաջին անգամ էի մասնակցում ծառատունկի: Կարևորում են նմանատիպ ծրագրերը և, եթե կրկին հնարավորություն լինի, սիրով կմասնակցեմ»,- ասաց Կենսաբանության, քիմիայի և աշխարհագրության ֆակուլտետի աշխարհագրության բաժնի 2-րդ կուրսի ուսանողուհի Վարդուհի Սուրադյանը:

Նույն ֆակուլտետի կենսաբանության բաժնի 4-րդ կուրսի ուսանողուհի Մարիամ Սարգսյանն էլ մշեց. «Լինելով կենսաբան առաջին անգամ չէ, որ մասնակցում էի ծառատունկի: Տպավորություններս շատ լավն են, քանի որ օգնել ենք մայր բնությանը, քանի որ բնությունն իսկապես ունի մեր աջակցության կարիքը: Անչափ ուրախ եմ, որ ես և իմ ընկերները մեր փոքրիկ, բայց կարևոր ներդրումն ունեցանք այս գործում»:

Ծառատունկից հետո արվյանականներն այցելեցին Հայոց այբուբենի հուշահամալիր՝ տառերի պուրակ, որից հետո ուղևորվեցին 13-րդ դարում կառուցված Սաղմոսավանք վանական համալիր:

Ժենյա ԱՐԳՈՐՅԱՆ



Բնության պահպանությունը մեր ձեռքերում է

Կենսաբանության, քիմիայի և աշխարհագրության ֆակուլտետի ուսանողական խորհրդի սոցիալական հանձնաժողովի և ՀՀԿՄ հեռակետային վարժարանի համագործակցության շնորհիվ կայացավ «Մեր դերը բնության պահպանության գործում» խորագրով միջոցառումը, որը վարում էր ֆակուլտետի ուսանողական խորհրդի նախագահ Մարիամ Սարգսյանը: Հանդիպման առաջին հատվածում սոցիալական հանձնաժողովի պատասխանատու Արմինե Հովհաննիսյանը և համալսարանի հեռակետային վարժարանի սան, մաքրապատում ծրագրի կամավոր Ռուբեն Խալափյանը ներկայացրին աղբի վնասակար հետևանքների, տարբեր երկրներում դրա վերամշակման և առաջացրած հնարավոր խնդիրներից ազատվելու տարբերակների մասին: Այնուհետև «Աղբ թափելն ամոթ է» նախաձեռնության հիմնադիր Հակոբ Միկոյանը ներկայացրեց մաքրապատում ծրագրի ու իր ծավալած գործունեության մասին, նաև պատասխանեց ներկաների հարցերին:

Քննարկեցին նաև շրջակա միջավայրի աղտոտման հետևանքների և կանխման միջոցների հարցեր, մասնակիցները իրենց կարծիքներն ու առաջարկները:

Միջոցառմանը ներկա էր նաև Կենսաբանության, քիմիայի և նրանց դասավանդման մեթոդիկայի ամբիոնի վարիչ Սամվել Պիպոյանը, ով նույնպես առաջարկեց խնդիր լուծման հնարավոր տարբերակներ:

Հանդիպումը բովանդակալից էր և ուսուցողական, և ինչպես իր ելույթում մշեց Մարիամ Սարգսյանը, մեծ է մարդու դերը բնության պահպանության գործում, և բնապահպանական մի շարք խնդիրներ կվերանան, երբ սովորենք խնամքով վերաբերվել մայր բնությանը:

Վարդուհի ՍՈՒՐԱԳՅԱՆ
Աստղիկ ՀԱՐՈՒԹՅՈՒՆՅԱՆ
ՌԻՍ լրատվական հանձնաժողովի անդամներ

Գրանցման վկայական՝ 01U00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97: Էլ. փոստ՝ Newspaper@spu.am, asryansilva@gmail.com Տպագրված է «Տիգրան Մեծ» հրատարակչության տպագրատանը: Հասցեն՝ Արշակունյաց 2 Տպաբանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար: Հանձնված է տպագրության 15.11.2022 թ.

Թերթը կարող եք կարդալ ՀՀԿՄ կայքում՝ www.aspu.am

Գլխավոր խմբագիր՝ Սիլվա ԱՄՐՅԱՆ
Բանասիրական գիտությունների թեկնածու
Էջաղրումը՝ Պետրոս ՎԱՐԴԱՆՅԱՆԻ
Համարի պատասխանատու՝ Սիլվա ԱՄՐՅԱՆ